

People
plus

NOU PARTI, NOU CALIT
PLI DETERMINEN KI ZANMEN

LDS = LAENN DAN SESEL

Ivre ki definisyon LDS se: Laenn dan Sesel. Se sa ki zot pe propaze atraver en politik dezord ek vyolans. I osi rezilta zot kanpanny pil lo li.

Dezespere ki zot siporter pe degren-gole, zot fer dezord anvil apre zot rali e enn zot bagar i fini Roche Caiman- nou kandida i ganny blese.

Me parey Audrey kandida Roche Caiman i dir zot, "Provok mwan, lager ek mon fanmiy, azir vilger avek nou, me mon reste pli determinen pour Parti Lepep. Mon pou gannyen mon eleksyon Roche Caiman e mon pou travay pour zabitan Roche Caiman ki lama-zorite pa krwar dan vyolans parey

mwan. Dan pe anpes vyolans, mon'n ganny blese. »

Apard Roche Caiman, siporter LDS apre zot rali Dimans in fer dezord anvil dan plizyer landrwa enkli kot Lorloz. Zot in ensilte, zoure, e bles siporter Lepep, parey sa madanm Mt Buxton ki zot in tap ek baton paviyon lo lizey.



PLIS TRAIZON APRE LE 10 SEPTANM

Zis parey Lalyans ti dir ki zot ti pe servi Wavel ek Linyon Sanzman koman en parasol pour eleksyon me i pa vedir Wavel ki ti pou vin lider, menm zafer i sanble bann ansyen SNP pe prepar en reset pour bann ansyen Lalyans. Zot pe dekrir sa revanz ki pou pran plas apre le 10 Septanm, koman

enn ki pou dou. Wavel en boug ki pa bliy fasilman, pa pou bliye ki Pat Pillay, Doyace Porice, ek William Herminie in maltret li, e imilye li. Siporter LDS in konmans ganny ase avek en bann politisyen ipokrit, ki pe pers ledò kanmarad ek traizon. Zot koz kanmarad avek tou sa repinyans e laenn, apre parey bann dimoun ki

napa imilite ek pider zot debout obor kanmarad e esey fer krwar napa divizyon zis pour zot esey servi ledò siporter pour antre Lasanble pour al ganny en gro saler.

Siporter in komans debarke lo sa bato malediksyon. Zot dakor ek dirizan Lepep ki sa viris ki apel LDS i pli danzere ki HIV ek ZIKA.

SIPORTER IN KOMANS DEBARKE LO SA BATO MALEDIKSYON

Isitan fasil pour mont lo televizyon, tir portre, montre ledrwa, fer tou kalite teat lo en ta zerb, landrwa prive anbandonnen, en proze gouvernman ki pe esper finansman, me parey in toul-tan leka, se Parti Lepep ki fer tou travay.

Depi letan lopoziyon pe partisip dan eleksyon Lasanble zot in zis mont lo televizyon e fer tou kalite komedi ek lakaz ek proriyete dimoun zis pour blanm Parti Lepep. Me zanmen zot in fer nanryen pandan tou sa lannen. Zabitan ek distrik in war zis Parti Lepep e zot pou toul-tan war zis Parti Lepep. Konmdir Prezidan Michel, nou parti pou ganny eleksyon le 10 Septanm sa lannen, i pou gannyen ankor dan senkan, e senkan apre sa. Sa pou kontinyen aköz Seselwa i konnen lekel ki senser e lwayal anver zot. Seselwa i war lekel ki travay e lekel ki zis montre ledrwa.

